

ՀՀ ՓԱՍՏԱԲԱՆՆԵՐԻՆ ԱՅՈՒՒՂԵՏ ԻՐԱՎՈՒՆՔ ՈՒՆԵՆ ՄԱՍՆԱԿՑԵԼՈՒ ԱՆԳԼԻԱՅԻ ՓԱՍՏԱԲԱՆՆԵՐԻ ՈՐԱԿԱՎՈՐՄԱՆ ՔՆՆՈՒԹՅՈՒՆՆԵՐԻՆ

13.09.2015 12:27



ՀՀ փաստաբաններին այսուհետ իրավունք ունեն մասնակցելու Անգլիայի փաստաբանների որակավորման քննություններին և ստանալու Անգլիայի և Ուելսի փաստաբանի (Solicitor) արտոնագիր
Անգլիայի և Ուելսի փաստաբանների կարգավորող մարմինը (Solicitors Regulation Authority) Հայաստանի Հանրապետությանը և ՀՀ փաստաբանների պալատին 2015 թվականի օգոստոսի 11-ին ընդգրկել է «ճանաչված իրավագործությունների» ցանկում, որը հնարավորություն է տալիս կարգավորող մարմնի կողմից իրականացվող QLTS (Qualified Lawyers Transfer Scheme) ծրագրի միջոցով ՀՀ փաստաբաններին մասնակցել Անգլիայում համապատասխան որակավորման քննություններին և ստանալ Անգլիայի և Ուելսի փաստաբանի (Solicitor) արտոնագիր:

Ծրագիրը նախատեսում է 2 որակավորման քննություն, որոնք դիմորդները պետք է հանձնեն՝ 1. թեսթային եղանակով (Multiple Choice Test (MCT) և 2. գործնական՝ (Objective Structured Clinical Examination (OSCE).

Բացի որակավորման քննություններից, դիմորդները կարգավորող մարմնին պետք է ներկայացնեն անգլերեն լեզվի համապատասխան մակարդակին տիրապետելը հաստատող փաստաթուղթ:

Ծրագրի և քննությունների վերաբերյալ առավել մանրամասն տեղեկատվություն կարելի է ստանալ անմիջապես կարգավորող մարմնի և քննություններն անցկացնող կրթական կազմակերպության կայքերից.
<http://sra.org.uk/solicitors/qlts.page>
<http://qlts.kaplan.co.uk/home>

ՀՀ փաստաբանների պալատի անդամները իրենց ուսումնառության և գիտելիքների շնորհիվ, փաստորեն, հնարավորություն ունեն ձեռք բերելու նաև անգլիական իրավունքի մասնագետի և փաստաբանի կոչում, ինչը լավ հնարավորություն է մեր փաստաբանների համար, թե մասնագիտական, թե աշխատանքային առումով նոր հաջողություններ գրանցելու, այդ թվում՝ միջազգային ասպարեզներում:

Մինևույն ժամանակ ՀՀ փաստաբանների պալատը շնորհակալություն է հայտնում փաստաբան Տիգրան Մարտիրոսյանին (արտոնագիր՝ 1488), ում նախաձեռնությամբ և ջանքերով այս հնարավորությունն ընձեռվեց փաստաբաններին:

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```